

Богородичен: Яко одушевленному Божию кивоту слава Ти подобает, Владычице, превознесенна бо паче горних чинов, родивши Сына, Превечнаго Бога.

Светилен, глас 1:

Воистину явился еси / нищим сокровище, / странным прибежище, / утешение плачущим, / обидимым заступление, / стране Сербстей изрядный покров и ограждение / и всему православному миру скорое вспоможение; / темже и нам, святе Владиславе, // буди предстатель добрый и молитвенник всеусердный.

Слава, и ныне, Богородичен:

О Всепетая Мати, / рождающая всех Владыку и Господа, / на рабы Твоя умилосердися / и купно со святым Владиславом / моли спастися душам нашим.

На стиховне Октоиха. Потом глаголем припев:

Господи, спаси царя и услыши ны / вонже аще день призовем Тя.

И поем стихиру, глас 4:

Достойный наследник явился еси / святым сродником твоим державным: / Симеону Мироточивому и Стефану Первовенчанному, / почтение им показуя святостию жития. / Темже Царствие Небесное наследовал еси, // Владиславе присноблаженне.

Слава, глас 8:

Веселится днесь обитель Милешевская, / имущи в себе всеизящное сокровище / – честныя мощи царя Владислава, / изряднаго молитвенника и милостиваго заступника, / емуже вси умильно глаголем: / о преславный царю Владиславе, // не остави нас своею милостию.

И ныне: Богородичен. Или Крестобогородичен:

Егда ко Кресту пригвоздиша Господа славы / неблагодарнии и злонаравнии людие, / на смерть осудивше Жизнодавца, / тогда оружие пройде Твою святую душу / и грехи наша пронзиша Твое сердце, / но не отрини нас до конца погибающих / и избави вечнаго мучения.

Песнь 8.

Ирмос: В пещь огненную ко отроком еврейским снизшедшаго и пламень в росу преложшаго Бога пойте дела яко Господа и превозносите во вся веки.

Сербии явистася двоица честная, Савво богомудре и Владиславе доброхвальне, первый сербский архиерею и венчанный им преславный государю, но молита вкупе о страждущем Отечестве вашем.

Птица обрете себе храмину, и Владислав созда обитель себе, идеже положи мощи Саввы святителя, послежде и сам упокоися тамо.

Обитель Милешевская процвете яко крин, имущи в себе мощи двою угоднику Божию: Саввы святителя и Владислава царя, еюже молитвами, Господи, помилуй нас.

Богородичен: Дево Владычице, Мати всех нас, не презри людей согрешивших, на чада Твоя умилосердися и покрый нас честным Твоим омофором.

Песнь 9.

Ирмос: Безначальна Родителя Сын, Бог и Господь, воплощься от Девы нам явися, омраченная просветити, собрати расточенная, тем всепетую Богородицу величаем.

Обрел еси вечную славу, блаженне, со святыми упокоеваяся, темже и чтущих тя поминай у престола Господа Вседержителя.

Блажен еси, царю Владиславе, разумевай на нища и убога, в день люют Господь избави тя от всякия болезни, печали и воздыхания, огня геенскаго и червя неусыпнаго.

Изукрашенный сонм царей благочестивых в стране Сербстей преславно просияше: Симеоне, Стефане, Лазаре и ини мнози, с нимиже, Владиславе, молися о нас.

Многогрешный и суемудренный аз, не возмогох принести ти пения достойнаго, Владиславе, обаче ведуще тя милостива и нищелюбна, не презри моего убожества, молюся.

КОНДАК, глас 6

Царю Небесному подражая, / Утешителю и Подателю жизни, /
богатства твоя убогим расточаше / и был еси прибежище всякому
страждущему, / утешение и заступление обидимому, / крепость и
ограждение стране твоей, // Владиславе присноблаженне.

ИКОС

Воистину явил еси, Владиславе, в себе самом царский образ
смирением, милосердием и кротостию, послушанием Отцу
Небесному и любвию к земным братьям. Темже прославися имя
твое во веки веков, и нас на земли сущих сподоби взывати тебе
чистым сердцем и умильно глаголати: Радуйся, многи скорби
претерпевый; радуйся, слабости людския оттуда познавый; радуйся,
сладость житейскую нивчтоже вменивый; радуйся, печаль людей
на радость претворивый, сербская похвало и удобрение, царей славо
и нищих веселие, Владиславе присноблаженне.

Песнь 7.

*Ирмос: Телу златому премудрыя дети не послужиша и в пламень
сами поидоша и боги их обругаша, среди пламене возопиша и ороси я
Ангел: услышася же уст ваших молитва.*

Помаза Давида Самуил пророк иногда, показуя на сем Божие
благоволение; тако и Савва святыи ты, Владиславе, помаза, прозирая
о тебе Божественное промышление.

Отбеже всякая злоба от души твоя, яко в сердце твоём Христос
воцарися и заповедями Своими Божественными низложи всякое
беззаконие и гордыню.

Духовный разум от Бога стяжал еси и, егда воссташа на ты людие
неблагодарнии, кротко царствие твое брату уступил еси, спасая
страну от междоусобных брани.

Богородичен: Изумевает всяк ум пети Тя, Богородице, недоумевает
всяк язык исповедати Твоя чудеса, обаче вместо словес веру
приими, Ты бо христиан еси Заступница, Тя величаем.

Песнь 5.

Ирмос: Света Подателю и веков Творче, Господи, во свете Твоих повелений настави нас: разве бо Тебе иного Бога не знаем.

Силою Господнею возвеселился еси, царю Владиславе, и в радости воспеваше Ему песни хвалебныя. Темже и о спасении своем возрадовался еси зело.

Положи святой Савва на главе твоей венец от камне честна. Живота вечнаго просил еси у Владыки живота и Той ти даде долготу дний во век века.

Еже от врагов нашествие укротил еси, Господь бо гневом своим смяте я и снеде их огонь. Яко уповаше, Владиславе, на Господа, темже милостию Его не подвиглся еси.

Богородичен: Тя, паче ума и словесе Матерь Божию, вернии славим единомудренно и воспеваем Ти песни хвалебныя, родила бо еси нам вечное радование.

Песнь 6.

Ирмос: В бездне греховней валяясь, милосердия Твоего призываю бездну: от тли, Боже, мя возведи.

Излия сердце мое слово благо – славословления святокрасному Владиславу, иже милостию и мудростию стяжа небесное радование, темже глаголю аз похвалы цареви.

Глас Христов во Евангелии услышавый, о некрадомем сокровище попечеса, и расточив имения своя нищим и убогим, стяжал еси Небесное Царствие.

От юности возлюбил еси отверженные мира сего и сотворил я еси други себе от богатства мимотекущаго, сего ради оскудевшу ти в животе временнем, тии прияша тя в вечная селения.

Богородичен: Стена еси и ограждение нам, Пресвятая Дево Чистая, на рабы Твоя неключимыя умилосердися, немощная уврачуй и оскудевающая восполни.

Седален, глас 4:

Воистину добрый воин Христов явился еси, преславный царю Владиславе, оружием землю свою защитивый и благочестием православную веру оградивый, но яко имеяй дерзновение ко Святей Троице, мир стране Сербстей испроси и душам нашим велию милость.

Слава, и ныне, Богородичен:

Приятелище Божества неприступнаго явилася еси, Пресвятая Дево Чистая, но простри руце Твои ко Всемиловитому Спасу, да избавит ны от всякия напасти и сподобит поклоняться ему неосужденно.

Крестобогородичен:

Предстоящи Кресту Сына Твоего и Бога, грехов моих ради уязвленна и распятаго, не прогневайся до конца, Владычице, но Твоими всемошными молитвами избави мя от вечнаго осуждения.

Песнь 4.

Ирмос: Пришел еси от Девы не ходатай, ни Ангел, но Сам, Господи, воплощься, и спасл еси всего мя человека. Тем зову Ти: слава силе Твоей, Господи.

Веру правую паче зеницы ока хранил еси во Отечестве своем, ограждая ю от латинян и агарян, сего ради сохрани тя Господь от всякаго лютаго обстояния.

Ангели воспеша красоту селений Божиих в Сербии, воздвигшу ти, Владиславе, тамо многия храмы и обители иноческия, идеже не умолкаше молитва ко Господу.

Воистину всей вселенней явился еси удобрение, Христолюбивый царю Владиславе, благотворяше бо и православным Церквам Востока, дары богатяя сим посылая чрез Савву блаженнаго.

Богородичен: Одушевленная Палато Царя царствующих и Колеснице святая Господа славы, не остави нас, в добродетели убогих, помози нам, изобильным грехами, и вкупе со святым царем Владиславом заступи нас и избави от вечнаго безчестия.

Ирмос: Грядите, людие, поим песнь Христу Богу, раздельшему море и наставльшему люди, яже изведе из работы египетския, яко прославися.

Владиславу царю песнь воспети, Господи, сподоби мя, оскверненнаго многими и безместными согрешеньми, падшаго во глубину зол и уязвленнаго тщеславием и гордостью лютою.

Лоза благоуханная винограда Христова явился еси, Владиславе, процвел бо еси на славнем древе царей благочестивых, ихже сладостию напитавыйся, краснии плоды произрастил еси.

Аще и многи скорби от брата своего претерпел еси, обаче послушания родителем отнюд не уклонися, темже и венча тя сродник твой святой Савва Богомудрый царским венцем, достохвальне.

Богородичен: Дево Пресвятая, христиан похвало, лица Твоего не отврати от нас, но яко милосердая Мати, защити чад своих от враг видимых и невидимых.

Песнь 3.

Ирмос: На камени мя веры утвердив, расширил еси уста моя на враги моя, возвесели бо ся дух мой, вегда пети: несть свят, якоже Бог наш, и несть праведен паче Тебе, Господи.

Истинный наследник отцу своему Первовенчанному в заботе о стране Сербстей был еси, Владиславе, ограждая ю от нашествия иноплеменных и от всякия междоусобныя брани.

Суд Твой, Боже, цареви даждь и правду Твою сыну цареви, - тако зывал еси, блаженный царю Владиславе. Темже стяжал еси от Царя царей разум во еже творити суд праведный и милость и веру.

Лихвы и мзды отбежал еси, яко огня, Владиславе, присно ходяй пред лицом Господним. Сего ради и благослови Бог тя и страну Сербскую Своею богатою милостию.

Богородичен: Ангели удивишася, Чистая, Рождеству Твоему, мы же ужасаемся всегдашнему Твоему предстательству о нас, егоже не лиши нас, Владычице, за множество наших прегрешений.

И поем стихиру, глас 4:

Веселится и ликует страна Сербская, / с нею же вси языцы
словенстии воспевают. / Предста бо царь одесную Тебе, Христе
Боже, / и молит Тя о православнем воинстве. / Темже сподоби нас
взывать ему неосужденно: // радуйся, Владиславе многоимените.

Слава, глас 2:

Егда страну твою серебром обогатил еси, / В недрах земных сие
взыскавый, / тогда к Небесному Царю воззвал еси: / Возлюбих
словеса Твоя паче злата и топазия. / Темже благодать от Христа Бога
получивый / и яко талант сию умноживый, / не престай Того о
чтущих тя молити // да ущедрит и спасет души наша.

**И ныне: Богородичен.
Или Крестобогородичен:**

Сокрываше лучи своя солнце, / и земля в трепете содрогашеся, / и
бездушнии камене распадахуся, / вся же тварь окаменеваше
ужасом, / и завеса церковная раздирашеся, / Ангели лица своя
закрываху / – но кий язык исповест Твоя страдания // у Креста
Сына Твоего, Пречистая?

Тропарь благоверному князю, глас 4:

Иже корене честнаго отрасль славная, / благоверный княже
Владиславе, / в Отечестве твоём добре царствовал еси, / и Царствие
Небесное получивый, / владеши славою и честью великою. / Темже
не забуди языков словенских // и православным людям на
сопротивныя споборствуй.

НА УТРЕНИ

Канон благоверного князя, егоже краегранесие: Владислава
воспети, Господи, сподоби мя.

Глас 2.

Песнь 1.

СЛУЖБА СВЯТОМУ БЛАГОВЕРНОМУ КНЯЗЮ ВЛАДИСЛАВУ, КОРОЛЮ СЕРБСКОМУ

На Господи, возвах: стихиры благоверному князю, глас 6.

По имени твоему тако и житие твое: / прозябый бо от славнаго корене, / достойно подражал еси родителю Первовенчанному, / и венчан быв от Саввы великаго, / Отечеству явился еси слава и похвала, // Владиславе приснопамятне.

По имени твоему тако и житие твое: / взыскал бо еси славы небесныя, / и славою Отечество твое обогативый, / воздвигл еси в нем храмы и обители, взывая: / не нам, Господи, не нам, но Имени Твоему, // даждь славу о милости и истине Твоей.

По имени твоему тако и житие твое: / неславныя бо мира сего возлюбил еси – / убогия, нищия и увечныя. / И тем обильно благотворивый, славне, / достойно венчан был от Царя Небеснаго // славою и честью нетленною.

Слава, глас 8:

Христоролюбивый Владислав самодержец, / яко древле Давид пред кивотом, / предходя пред святым телом Саввы, / всея Сербии великаго и чуднаго пастыря, / воспеваше в веселии и радовании: / величит душа моя Господа, // яко святыню сию вношу во обитель мою.

И ныне, Богородичен.

Крестобогородичен:

Пресвятая Дева Владычица, / предстоящи Кресту Сына Своего и Бога, / умильно глаголаше слезящи: / о Сыне, како умираеши смертию безчестною, / честью венчавый человеческое естество? / Утробною уязвляюся и разумом трепещу, // - Пречистая плакашеся горько.

На стиховне Октоиха. Потом глаголем припев:

Господи, силою Твоею возвеселится царь / и о спасении Твоем возрадуется зело.

СЛУЖБА СВЯТОМУ БЛАГОВЕРНОМУ КНЯЗЮ ВЛАДИСЛАВУ, КОРОЛЮ СЕРБСКОМУ

Непосредственной причиной, побудившей взяться за эту работу, послужило отсутствие службы и даже тропаря святому Владиславу не только в русских, но и в современных сербских Минеях. Святому Владиславу составлена служба шестеричная, по образцу древних последований (см. например, службу св. пророку Божию Елисею 14 июня), поскольку нет оснований для учреждения полиелея или тем более бдения, к тому же житийный материал довольно скуден. Она может совершаться в соединении со службой Октоиха и св. первомученице Фекле или преп. Никандру пустынножителю (како изволит настоятель), чья память празднуется в тот же день, 24 сентября / 7 октября.

Святой Владислав, краль (король) Сербский, из династии Неманичей, внук святого Симеона Мироточивого, сын святого Стефана Первовенчанного, племянник святителя Саввы, первого архиепископа Сербского. Был венчан на королевство св. Саввой в 1233 году, после его кончины перенес мощи святителя из болгарского Тернова в свой монастырь (задушбину) Милешево. Св. Владислав построил много храмов и монастырей в Сербии, оружием защитил страну от грабителей и обогатил ее разработкой серебряных рудников. Особенно прославился св. Владислав щедрыми благотворениями нищим, больным и убогим. После своей кончины был похоронен в Милешевском монастыре, рядом с гробом святителя Саввы, а через несколько лет, в царствование его брата Стефана Уроша, состоялось обретение мощей св. Владислава.

+1237